

四庫全書

集部

欽定四庫全書

集部

宋百家詩存卷二

三

詳校官監察御史臣孫家賢

主事銜臣徐以坤覆勘

總校官庶吉士臣倉聖脉

校對官中書臣高 中

謄錄監生臣馮光熙

欽定四庫全書

宋百家詩存卷二

嘉善曹庭棟編

東觀集

魏野字仲先陝州人母夢引袂於月中承兔而生嗜
吟咏不求聞達居州之東郊鑿土屋方丈曰樂天洞
彈琴其中歌嘯自得性不喜巾幘見賓客惟紗帽白
衣出則跨白驢真宗聞之累徵不起遣使圖其所居

全宋文卷之二
卷二
觀之野嘗賦詩有幽居帝畫看之句卒年六十詔贈
秘書省著作郎子闌亦有父風宋祁贈以詩云姓名
高士傳父子少微星蓋以隱德世其家者

秋日懷玉專

菊花原上立邨落雨晴初曉吹清羣物秋光澹太虛空
看新鴈字不得故人書猶賴華亭鶴林間伴索居

岐賁推官

動靜不違書如君始是儒婢閒猶畫卦兒戲亦投壺門

冷僧長往官清道更孤
吾君能大用皇宋即唐虞

閒居書事

無才動聖君養拙住山邛
臨事知閒貴澄心覺道尊
成
家書滿屋添口鶴生孫
仍喜多時雨經春免灌園

贈華山致仕韓見素

盡垂華髮戀金門獨乞懸車未五旬
清世一般為隱逸
碧霄兩處應星辰繡衣脫下寧妨貴
錦帳眠來不稱貧
瀟灑易添新道氣
光陰難改舊精神
老輕白傅方歸洛

亂鄙黃公始避秦象簡豈同青竹杖
鴈冠寧勝白綸巾
世間名系昌朝客物外銜稱太華人
醉指鼇頭為別業
吟誇仙掌是比鄰
劔生塵土揩磨嬾書帶
烟嵐曉曝頻
石鼓曉聽殊待漏
玉潭時看異迷津
琴憐徽外聲彌澹
酒愛藟中味更醇
精細處方因療鶴等閑開食為迎賓
芝田女僕皆能采
蘭佩兒童亦解紉
丹訣有靈還似性
詩篇無病恰如身
要君計想嫌宏景
葉室翻應笑子真
豫祝全家上昇日
願停絳節許相親

謝寇相公見訪

晝睡方濃向竹齋柴門日午尚慵開
驚回一覺遊仙夢
却巷傳呼宰相來

寇相公生辰因有寄獻

宋朝元老更誰先已詠功成二十年
好去上天辭將相
卻來平地作神仙
坐看雲岫資閒興
卧聽霓裳引醉眠
多少年辰獻詩者應無真禱似狂篇

和臧奎秋夜讀書

金匱要略卷二
卷二
林中獨坐欲中宵落葉紛紛觸壞袍月影漸移蛩韵急
露華初上鶴聲高四時催老秋偏感萬事縈心夜更勞
猶賴清風知我意頻吹庭竹助蕭騷

上知府袁刑部

星辰雖應碧虛中富貴情踈道氣融
繞野雲烟陪澹泊
入衙山水學清通申湖靜泛孤舟月
棠樹涼生一扇風
卻有祖先難似處獻詩民住樂郊東

冬日書事

十月天不暖前邨到豈能聞聞啄木鳥疑是打門僧
松色濃經雪溪聲澀帶冰吟餘還默坐樵子問慵磨

留題敷水李先生隱居

棠樹陰中來得得蓮花峯下去遲遲好將門外巖磨取
為刻西巡御賜詩

苔錢八韻

物外幽竒物吟看復歎吁豪家如可用窮巷卻應無
閒共僧羸得早嫌俗競呼山疑和雨買地似帶烟租密鎖

憐庭竹深藏恨砌蕪貪多寧損志嫌少不為愚良治何
由鑄常流豈易圖野人惟自愛難把悅妻孥

題崇勝院河亭

陝郡衙中寺亭臨翠靄聞數聲離岸鶻幾點別州山野
客猶思住江鷗亦忘還隔牆歌舞地喧靜不相關

和寇寺丞夏日遊麗春園

麗春園甲召公城池想游魚恨至清一簇樓臺如畫出
數羣鷗鷺似家生芰荷香裏垂綸坐楊柳陰中把卷行

不領管絃惟靜憩相門年少有高情

謝孫舍人題名水亭因有寄贈

紫薇客寫青苔壁不與尋常姓字同
多謝溪烟知我意
豫先替作碧紗籠

春日述懷

春暖出茅亭攜筇傍水行
易諳馴鹿性難辨鬪雞情
妻喜栽花活兒誇鬪草羸
翻嫌我慵拙不解彊謀生

同大孫狀元送楊甫之蒲中

金史四庫全書
卷二
蒲本舜都州君思獨去遊雲分五老嶺河噴二妃樓雨
足果初熟霜遲葉尚稠此行貧莫歎飲餞是三頭

白菊

濃霧繁霜著似無幾多光采照庭除何須更待螢兼雪
便好叢邊夜讀書

喜大孫狀元見訪

道同志貴賤陋巷每頻看相見惟呼字留題不著官狂
吟無所忌靜坐有餘歡卻恨歸公署茅堂會宿難

贈三門漕運錢舍人

相知有宿緣一見兩欣然我拙宜名野君廉恨姓錢倡
酬思閣筆迎送媿樓船卻恐徵歸闕慵過砥柱邊

送大白山人俞大中之商於訪道友王知常治
歸故山

羨我詩中偶有名輸君物外更無營水聲山色為聲色
鶴性雲情是性情四皓雲間尋舊友三清路上指前程
連天太白從今去林下何時得再迎

酬王太博見寄

錦川誰為寄陽春
清淨堂中清淨人
二十八言刊石處
長如列宿照閒身

送丕上人南遊

江山獨去遊遊徧
始應休雲外敲清磬
船中剃白頭阻
風孤島晚聽雨一林
秋南國多佳境詩牌
幾處留

和王衢見寄

久向東郊住暫同
麋鹿情遊山岐路
熟見客禮儀生慕

杖新仍重荷衣破轉輕身猶為外物詩亦是虛名自愛
閒無悶誰憂道未行絕疑踈日者相許媿時英窮易憐
無著圍碁惡有爭惟應心友至林下笑相迎

送師刑部赴闕

白首休嗟歎君方任老臣鳳書纔入手鵲印喜離身錦
帳眠來舊花磚步去新離情棠樹晚吟思洛陽春御札
催應併天文動已頻拜迎臺有吏泣送巷無人寺宿知
題壁山行想駐輪從茲歸近密間謁轉無因

贈惠崇上人

張藉眼昏心不昧
崇師耳聵性還聰
是非言語徒喧世
羸得長如在定中

聞張師德狀元登第
因以寄賀兼呈梁固狀元
科場消息到柴扉
皇家風流事可知
封禪汾陰連歲勝
狀元俱是狀元兒

寄贈三門漕運卞寺丞

威權自與轉輸同
僕從衙庭事事雄
十郡河山關職務

一門忠孝是家風
圖書半在仙舟裏
碑版多留禹廟中
閒想春隄遊賞處
桃花浪照舞筵紅

上致仕趙中令

王業政艱難
功成退自安
閒中猶有俸
品外更無官
洛水垂簾聽
嵩峯凭几看
惟應問安詔
時復到門闌

題高都監新亭

高氏創高亭亭
因地得名半空雲
咫尺百里鏡
分明襟帶山圍陝
咽喉地接京
畫間多待士
時靖少論兵
鐘磬

卷二
聞蓮舍槍旗見柳營吾廬正相望不似在重城

謝孫狀元寒食見贈

一首狀元詩封來到竹扉讀留寒食燭拜換道家衣譽
過心無愧酬遲禮轉非聞思播琴裏誰更會玄微

送馬共之任內江縣尉兼呈主簿

驢上吟詩賈島同內江歸去指江東封疆半在猿聲裏
道路多穿竹箐中想得兩衙長鑠印應過三載不張弓
重登制策高科在筆硯公餘莫廢功

謝馮亞惠鶴

殷勤親惠鶴，迢遞自江濱。
情性渾如我，精神酷似君。
舞思同座看，唳想隔城聞。
從此添詩景，為題好共分。

送陳越之河中寧覲

寧覲高堂舜，井西欲辭東。
閣思依依三台筵，上飛觴送
五老峯前負米歸，莫歎貴無蘓子印，且憐榮有老萊衣。
舊書達少應投杼，新集鑄多肯斷機。
紅葉邨坊臨水迴，黃花岐路入山微。
重陽雖近難畱住，把酒登高興又違。

冬暮郊居

邛落欲黃昏寒雲片片凝
隔城鐘似磬遠岫燒如燈
名利堪彈指林泉但枕肱
何由遂閒散自喜本無能

謝長安孫舍人寄惠蜀牋并茶

采牋一軸敵瓊瑰喜見親題手
自開遠勝浣花人寄到
貴從視草客分來百張重疊霞
初卷千色參差錦乍裁
紅藥篇章方雅稱老夫無用擬封回

誰將新茗寄柴扉
京兆孫家小紫薇
品是舒州烹始稱

甌除越國貯皆非
盧仝詩裏功堪比
陸羽經中法可依
不敢頻嘗無別意
卻嫌睡少夢君稀

和進士田亞夫見贈

失意人方羨野人
因酬佳句謝知聞
都緣月桂終難捨
豈是烟蘿不肯分
且縱高情歌白雪
莫嗟下第負青雲
孤寒自古功成晚
那獨昌朝只有君

夏日書事

尋常苦出門
况復在炎蒸
短褐披猶嬾
長裾曳豈能
松

風輕賜扇石井勝頌冰只此貧無事常愁不易勝

和陳推官暮春感興

角冠閑戴任敝斜騎馬人稀到我家僧鉢盤餐惟筍味
道情欄檻只松花驚回馴鹿林閒犬聒殺靈龜雨後蛙
春去尋常何足歎自將寂寞並繁華

登原州城呈張賁從事

異鄉何處最牽愁獨上邊城城上樓日暮北來惟有鴈
地寒西去更無州數聲塞角高還咽一派涇河凍不流

君作貧官我為客此中離恨共難收

送王闢赴舉

何必問龜長知音在玉堂
十全才衆許雙美卷親裝
雲少離山驛塵多近帝鄉
花時新榜貼先為達崑房

和玄武縣薛秘丞寄示手書因以謝之

至交忘貴賤豈可與常論
少似君書札多於我夢魂
羊岐從蜀邑鴈遞到烟邛
倒篋時將讀誰言我眼昏

秋霽草堂間望

草堂高迥勝危樓時節殘陽向晚秋野色青黃禾半熟
雲容黑白雨初收依依水巷聞却笛隱隱長河認客舟
正是詩家好風景嬾隨前哲卻悲愁

和孫舍人重過陝下

二陝重過一紀彊麻衣已變椹袍光數宵黃閣延三字
幾處青樓認五卽顧我豈能誇舌在逢君寧復歎唇亡
大龍頭喪同傷處吏隱亭敲鄭谷傍

酬潤師見贈

絕唱和難繼因茲久滯淹
隔年酬不得終日誦無厭
曠曝偏防蠹收藏別著簽
偶吟聊報謝遲拙莫相嫌

送王遷歸青社

此別重傷情寒天二十程
弟分微祿送兒逐蹇驢行
雪蔽千山色冰含萬水聲
何時再相見去去海邊城

寄用晦上人

帝里如何忘舊山卻因知己得名賢
司倉道合惟無可吏部交遊祇大顛
紫色袈裟無惹帶清齋施襯有苔錢

詩中琴裏偏相憶用晦還應信仲先

和三門寶寺丞見贈

禹門公署似仙居誰羨同年在直廬聞製曲教鴟角唱
醉吟詩遣鳳毛書蒙過却巷驚玄豹命踏廳階上白驢
莫訝此篇酬更晚只緣思澀豈情踈

寄逸人陳孟

姑射山前住朝昏事若何爐消文火疾琴斷武絃多絕
粒身彌健酬杯性轉和相思曾與約春暖杖藜過

詠懷

道心雖博愛遇物忽難兼
樹更因巢惜雲曾為月嫌
酒中寧有感詩裏覺無言
漸老成何事踈慵病轉添

送薛端公赴右蜀均輸兼呈司理劉大著

旌旆悠悠出陝時
白頭人送倍依依
蜀川尚憶蒲盧政
蠻洞先驚獬豸威
祖席香濃花未老
行厨味簡筍初肥
公餘若薦相如賦
鄆縣梅仙好發揮

送劉大著赴任益州司理

金口親除向錦川一般監郡最崇遷從來才已欺鸚鵡
此去寃應雪杜鵑迎接僧攜筇竹杖歌謠民寫浣花箋
移風定不妨吟咲絕唱宜磨玉壘鐫

晨興

夜長久待得晨興耽睡童猶喚不磨燒葉爐中無宿火
讀書窓下有殘燈臨塔短髮梳和月傍岸衰容洗帶冰
料得巢禽翻怪訝尋常日午起慵能

送紫薇孫舍人赴鎮長安

長安千古帝王城鎮選詞臣自聖情三字帶來天上貴
雙旌擁出世間榮朱衣尚列神仙步紅藥猶吟雅正聲
豫想前春遊賞處九龍池上百花明

上知府石太尉

陝城天險枕河湄茅土真風勝暫知雨露雖頻霑虎節
雪霜全未染虬鬚白霓放作軍中練紅旆行為帳下旗
公暇不妨遊賞外佐僚時得一篇詩

功名早歲立艱難今日堪消費百般婢僕出來皆會樂

兒童生下便為官實封萬戶應方足密賜千金旋已殘
暫輟坐棠閤豹畧尚嫌拘束動嗟歎

送三門發運辛寺丞赴闕

山河仗忠信盡室去安然白浪為行路紅旗認坐船
門辭有燕隋柳到無蟬豈羨乘槎客風流載管弦

寄王谷推官

登科二十載佐幕尚如初官為詩磨折家因酒破除青
衫猶嬾補白髮想慵梳別後長相憶何緣得共居

值雨宿諤師房

信步閒遊處妨歸路豈賒因琴避山雨和鶴宿僧家語
直非關酒眠遲不為茶共論塵世裏夜亦事如麻

送王希赴任衢州判官

秋江四十有餘程稱作紅蓮汎去清從闕到州堪羨處
船中坐卧看山行

送高生歸青社

去指滄溟畔來辭翠靄閒程遙過鳳闕家近見牛山紅

葉飄行色清溪照別顏
蹇驢看上處拄杖出柴關

送孫礪西游

貧居勝富貴况復是貧遊
前路誰青眼高堂母白頭
秦山晴望好隴水夜聽愁
早作歸寧計逢歡莫滯留

却居述懷

布褐楮皮冠朝昏信自然
眼明山雨後髮亂晚風前
鶴病生閒惱僧來廢靜眠
自知慵嬾性至死豈能悛

上知府鮑少卿

五福三朝客同年想少存立功從太祖卧理見曾孫易
進因仁政難休為帝恩權臨二陝重官處九卿尊烟翠
甘棠樹風清畫戟門四民潛遂意百吏動驚魂不病輕
丹竈無愁鄙酒尊出衙清道路在宅素盤飧上馬身猶
健看書眼未昏獄空時擁旆多謝到山邨

懷寄河中表兄李徵君瀆

蒲津棠樹兩間人我愧虛名帝亦聞三世往還為近戚
一時遞互喚徵君雖同閉戶辭丹詔尚阻連牀卧白雲

苦恨中條鎮相隔老來離思轉紛紛

依韵和長安龍圖陳學士登熙臺之什

鷄野龍圖陳學士迎秋登眺稱英竒一聲玉管風流處
百尺金臺雨霽時雲近上清爭縹緲山連太白鬪參差
碧紗他日裁多少籠得園園寺寺詩

謝大著劉炷寄惠玉箋

皎潔分明如我鬢卷舒方正似君心三千里外情多少
一幅真堪值萬金

依韻和酬晦上人見題所居

陋巷西鄰召伯祠，入城流水透東籬。
雨來石室琴先覺，春去松庭鶴不知。
薜荔交加侵甕牖，莓苔斑駁遶盆池。
草堂近日尤增價，添得湯休二首詩。

送王甲宰青石縣

甲字伯元

陶潛但植門前柳，潘岳惟栽滿縣花。
爭似伯元青石去，教民先只種桑麻。

送薛塔寧觀察院

知心人去野人孤，猶賴時時見鳳雛。
病裏鳳雛辭又去，老身縱健不如無。

咸陽道中作

渭水凍無波，終南翠色多。
雨臨殘照，霧客向故城，過驚鴈，遠猶叫牧童。
寒不歌，心愁人不會，謂我欲如何。

送孫狀元監丞赴闕

詔命雖殊異，行裝亦等閒。
蓬壺如得路，藜杖似歸山。
赴約過松嶺，辭家到竹關。
從茲位清峻，野客轉難攀。

哭岐賁從事

君喪重堪悲才高位竟卑寄孤偏屬我知己更求誰祭
德宜修廟傳名不在碑何人與為傳願錄野人詩

書逸人俞大中屋壁

羨君還似我居處傍林泉洗硯魚吞墨烹茶鶴避烟
惟歌聖代老不恨流年每到論詩外慵多對榻眠

送文兆上人南歸

自由由獨自誰滯復誰催住笑雲無定歸嫌水不迴瓶

惟添瀑布杖只卓莓苔如此真行腳餘堪我靜吟

述懷

東郊魏仲先生計且隨緣任嬾自埽地更貧誰怨天有
名閒富貴無事小神仙不覺流光速身將半百年

和宗人用見寄

兀坐幾忘形柴門夜不扃稔憐丞相雨瑞愛老人星妻
識琴材料童諧鶴性靈遠山延頸望疎竹曲肱聽祖業
存圭竇年支有茯苓閒身寄精舍狂迹在旗亭養樂依

丹訣嘗茶驗水經何時得相見靜話向松庭

送王闕太博赴闕呈劉正言

吟坐俱頭白分攜重愴情才堪親帝座貧不似官行曉
霧迷山徑秋霖破驛程惟應劉小諫到闕喜相迎

酬和提刑王國博見寄兼惠竹簟

名伯城邊勞夢想滕王閣上動詩心間思已隔江山遠
老別那堪歲月深三徑出稀青草合雙眸望久墨花侵
翻嗟珍簟雖蒙寄早晚同將坐卧吟

贈華山何學士致仕

累表乞眠雲明君始許君三峯同鶴住半俸與僧分
益壽藥難得朝元香自焚承家多令子冠蓋世紛紛

和酬孫大諫見訪之什

冬日開門忽似春溫顏和氣接如親貴能尚故尋邨友
醉誤猶呼作舍人茜旂穿林行蘚上椹袍拂石坐溪濱
仍畱雅咏酬雖晚每看長先整角巾

送賈注歸蜀

將為干名入帝都卻言歸隱蜀鄉閭永拋丹桂辭金輦
深入青山侍板輿囊裏幾般仙藥草杖頭數卷道經書
相門親友欣相羨富貴終難復舊居

知府石太尉間抱瑤琴榮臨圭竇燒筍供膳刻
竹題名因成二絕紀而謝之

分茅人忽到茅齋踏破溪邊萬點苔卻恐歌鐘喧靜境
隨軒只背古琴來

筍近林梢厭八珍烟為翠幙草為茵功臣名姓留何處

自把金刀割翠筠

池上閒詠

微物滿池塘間看向夕陽草蟲腰盡細水鳥嘴多長
蚪魚翁字芙蓉野客裳詩成堪寫處蓮葉碧牋香

寄唐異山人

不見琴詩友相思二十秋能消幾度別便是一生休未
得雲迎步還應雪滿頭何時各攜杖竟去會嵩邱

送王太博出鎮桂林

主上求人鎮大藩桂林雖遠莫嗟歎薛能嘉樹非真命
韓愈潮陽是謫官甘雨將霑蠻草潤仁風先埽瘴烟殘
龍鍾不得相隨去願寄州圖枕石看

謝何學士王專推官王道士同見訪

間離錦帳戴紗巾誰送東郊訪隱淪舊在幕中珠履客
新遊門下羽衣人埽苔雖自開三徑采蕨何由致八珍
太史還應怪躔次卽官星犯客星頻

送馮介寧覲

離聲無管弦空把指頻彈惟子猶為客何人不作官前
程貧豈易後會老應難想拜高堂下麻衣淚始乾

送無用上人歸中條

迢遞中條寺秋尋忘險途履踪臨水有錫影入雲無像
閣分秦樹經窻見舜都我曹題壁處閒看想躊躇

夏日寄懷西川峽路淮南薛臧王三運使

運使幽人酷暑時江邊林下兩何為信旗君逐舟車動
嬾架我隨枕簟移繡袂幾經梅雨灑葛衣一任竹風吹

蜀山淮甸棠郊外早晚相逢豁所思

送俞太中山人歸終南

字貫之

俞貫之辭魏仲先終南歸去落花天如何相見還相別
早晚溪雲一處眠

送任秉

一作秉

南歸

歸覲江山遠如何敘別離數杯邨店酒一首野人詩趁
渡憐舟穩貪程恨馬羸遙思到家日已過落花時

和人見詠新鶴

雪霜毛羽瘳形儀養處人家覺道肥龜有壽齡方可近
鷺無仙分莫相依千年松上宜孤立五色雲中好共飛
不競巢栖爭飲啄也應難免衆禽欺

出戶

出戶下莎庭徘徊當踏青靜嫌鶯鬪舌閒愛鶴梳翎雲
好昂頭望松宜側耳聽便堪為導引誰信可延齡

遊藍田王順山悟真寺

藍田王順昇仙處白傅曾題寺更稀野客暫遊期欲住

山禽何事叫思歸，稱心不獨烟霞媚。適口仍逢筍蕨肥，兩日正當寒食日。家園忘卻有芳菲。

寄淮南制置使薛戶部

西自荆巫徹海涯，南從吳越接京華。半天下管權何重，兩地間遊路不賒。山澤利均資我國，江湖境盡屬君家。帝心已簡身寧媿，使額雖雄性不奢。數道轉輸歸檢察，滿朝才子動吟誇。撥除奸詐窮毫髮，舉薦賢能在齒牙。采旆雙飄為從物，畫船一簇是行衙。已聞却落漆農器。

漸見汀洲減釣車不使菰蒲侵黍稷將令橘柚變桑麻
台州頂自尋仙藥建水湄親采御茶器量寬如波浩蕩
風謠多似鶻啞閒尋僧話穿雲葉靜聽漁歌隔浪花
野客倡酬容散拙郡侯迎送厭喧譁携筇未遂攀陪去
溪上時時動歎嗟

懷宗人仲容

尋常念朋友况復是宗人久別彈琴少相思擲卦頻
遊湘水遠家寄華山貧早晚重來此園林又過春

夏日雨中題諤師房

夏雨下如繩，虛廊減鬱蒸。
濺琴移榻避，添硯就簷承。
暗喜同田父，閒聽共野僧。
苦吟題壁上，欲改又慵能。

三峯王耿殿丞將移鎮陝下通理先已同袁刑部以倡和詩見寄因次前韵和酬

居移棠樹民皆喜，我住東郊卻嬾誇。
拙性怕逢詩債主，病身愁見酒讎家。
郢辭溫潤如絲雨，蜀紙鮮明似綺霞。
况是已經仙手和，點頭空使角冠斜。

暮秋閒望

水閣閒登眺，郊原欲刈禾。
壞簷巢燕少，積雨病蟬多。
砧隔寒溪擣，鐘隨晚吹過。
扁舟何日去，江上負烟蓑。

書潤師白蓮堂

野人禪客合相陪，漸老詩心亦共灰。
朱草堦前容不去，白蓮堂上喜頻來。
地形各占幽深境，天產俱為散逸材。
猶恨東郊西寺遠，閒門難並水邊開。

寄陳越學士託附魏仲容

取次升沈論等差雲霄獨不忘泥沙常流對面如千里
密友終身似一家魂夢因君遊輦轂書題為我寄烟霞
仲容到日還應說半紀相思兩鬢華

和蹇藏用暮秋郊居言懷二首

却落秋窮興不窮黃花紅葉照衰容時平轉稱千般巧
年長仍添一倍慵林下移筇聞遠水洞中敲枕見前峯
與君鄰近何相似來往人多是老農

敢學宣尼歎道窮間心何處不相容交朋盡笑龜蒙散

鄰里偏嫌叔夜慵
晚吹清冷凋萬木
殘霞紅澹映三峯
為憐今歲田中稔
欲遣兒孫亦務農

次韻和王耿殿丞見贈

年來暫屈佐元戎
富貴真宜在蕊宮
性潔耻分錢子母
時清嬾話劔雌雄
公心似水逢形鑑
和氣如春觸物融
莫道州民俱受賜
好詩編得有誰同

獨酌吟

獨酌獨吟誰與共
天為知己月為朋
水邊醉卧無人見

席有烟莎枕有肱

送蕭咨下第西歸

驢瘦嬾加鞭遲遲念獨還聽雞行曉月歎雉過春山渭
入黃河濁雲歸紫閣間明年公道在莫便掩松關

酬和知府李殿院見訪之什往來不休因成四
首

暫擁紅旌到郡新相知情似舊交親盡驚慷慨山河主
忽訪支離草澤人蘚徑讓慙揚繡袂溪橋迎喜整紗巾

留詩中貴仍揮翰雙美應難繼後塵

玉韻重聽倍爽神銀鉤忽覩更躬親
郡侯喜是風騷主野客慚為倡和人
積霧曾侵紅繡旆異香猶惹白綸巾
兩篇篋裏貞珉上頻拂寧堪有蠹塵

使君悞訪樂郊民顧我何由得暫親
茜旆動驅千百騎茅亭纔著兩三人
旋燒陸羽烹茶鼎忙換陶潛漉酒巾
可愛水邊松竹上數朝猶自有香塵

雖喜乘驄到水邛卻愁詩敵勢難親
平生未豎降旗客

臨老將為棄甲人，豸角勇無心。害物雞皮怯，有汗霑巾。
數篇勉和情，枯竭潦倒詞。鋒息戰塵。

送王太博知建昌軍

莫歎三山隔五雲，建昌境好說紛紛。雖然尚作貧才子，
猶免潛呼老使君。遠逐朱輪輸鴈陣，閒親畫舸羨鷗羣。
崇郊獨悵分攜後，高論何時得再聞。

和絳臺王都官見寄春日書事之什

絳郡政閒暇，人家可閉門。馬嘶花下路，犬睡月中邨。吏

亦擎書卷民皆挈酒尊行春思隱逸多謝動吟魂

送袁景宗之荆渚寧覲

荆渚北堂寧聖善棠陰東閣別嚴君雪邨山館思親夢
二十餘宵兩處分

和酬李殿院以野將遊吳蜀二首

將從兩蜀下三湘清世那憂道路長杖履雖然遊自在
旗亭寧免別淒涼召公化實宜歌咏謝傳詩尤媿發揚
願得德星歸未動光華依舊照毫芒

攜得筇枝背得琴，欲浮蜀浪涉吳岑。本期勝境酬雙眼，
卻恨虛名阻片心。出似蓬飄寧免醉，住如匏繫不妨吟。
重酬雅咏重思想，太守相留意最深。

次韻和酬知開封縣錢易學士見寄

遠勞仙館客相勉，寄詩來豈有口更歎。兼無心可灰，

來詩

云莫歎鬢如雪
且教心似灰

貧資閒壽命，吟助道梯媒。信拙過朝暮，

除能泥酒杯。

送蹇臧用省兄

金定巳
卷二
迢遞西南路山多水莫窮波濤千里遠風雨一船空海
獸形難識蠻僧語不通此行忘險阻義與在原同

新栽竹

蒼翠兩三枝新和凍塊移旋吟酬得處就刻記栽時已
任雪頻灑未禁風苦吹幽人心自足千畝復堪嗤

送孫推官之闕下

此去知君免歎嗟薦章先已到京華賓筵沈滯才雖久
仙省遨遊路不賒綠映酒旗邨店柳紅迎詩筆御園花

幾多祖席棠郊外馬上回頭日已斜

送陝尉邵國華南歸廣州

台棠陰裏邵梅仙守選南歸路七千辛苦已傷過嶺外
別離那忍向花前到京店舍逢新火度越封疆入瘴烟
相對與君頭盡白不知後會是何年

長安春日書事

長安春色自依依天命應移地不知蔓草已迷雙鳳闕
千花猶照九龍池豈無東閣開今日尚有南山似舊時

一月悠悠遊不足青門欲出步遲遲

題陝府同判衙吏隱亭

小亭高岸上危絕復何言墨蹟唐丞相詩牌宋狀元山
形連二華河勢瀉三門吏隱真宜此無窮景滿軒

寓興七首

天地無他功其妙在自然堯舜無別聖其要在知賢知
賢無他術觀其出處焉堯苟不知舜徒云能則天

每念李斯首不及嚴光足斯首不自保光足舒帝腹我

心異老聃驚寵不驚辱豈敢示他人吟之將自勗
秦鑑雖至明不能自照燭楚劍徒云利翻將自殺戮有
國苟失賢若跣瞽雙目况履艱險途舉步成顛覆秦楚
昧於斯寶器徒收蓄

伯夷非好餓展禽非好黜聖人不私已動為萬世則夷
齊苟就祿賊亂何由窒展禽苟便去何人肯佐國其迹
則有殊其道萬為一

聖人不避嫌小人不避耻伊尹放太甲董賢居高位嗟

嗟若此人堪愛復堪鄙

天地勞覆載日月勞往還此尚不能息何況在其間
鳥獸飲食外悠悠無貪慳如何人異此晝夜機相關顧我
道何如心足身常閒

勿謂患至大君聖民有賴勿謂事至小父荒子無罪因
思唐堯九年水少於驪姬數滴淚

贈孫何狀元

天非道莫尊道非賢莫存始知賢人生與道為轅輪明

廷親選士慮彼賢愚
天子至文明擢公為狀元
一榜三百人
默默誰復言
有如鳳在林
衆鳥不敢喧
威稜鹿有角度
量海無垠
直入仲尼室
不顧孟軻門
文得古中
新陳熟甚已
冤一字如一
星光芒不見
痕首官來理
陝棠樹換枯
根淑氣春風
和美化冬日
暄至誠物莫
欺至明物莫
昏平思治地
陝清欲變河
源我生三十年
未嘗離丘園
樸性昧巧習
惟知道可敦
貧巷無富車
間地惟雲屯
我願為松竹
生在君子軒
早夜接清風
節高陰更

繁何當親教授如渴飲衢尊斯言拙且直堪將鬼神論
別同州陳太保

至道不在言至言不在舌在琴復在詩諒惟君子別侯
門戟森森中有野人謁非趨勢利場慕彼仁義轍此去
幾遲留忽焉還歲月孤心傷欲摧凍足澀如折離聲無
鼓鐘行色有霜雪去矣當復來琴弦未欲絕

宿晦上人房

野客訪琴僧夜午月又午為我彈薰風似聽重華語

尋隱者不遇

尋真誤入蓬萊島
香風不動松花老
採芝何處未歸來
白雲滿地無人掃

宋百家詩存卷二

欽定四庫全書

宋百家詩存卷三

嘉善曹庭棟編

穆叅軍集

穆修字伯長天平人真宗東封詔舉經明行修之士
修預選特賜進士調泰州司理叅軍負才忤監郡者
誣以罪貶池州逢恩徙潁州文學掾修性剛介嘗有
豪士作佛廟修為作記記中不及士名士遺以金修

絕之曰吾寧餬口為旅人不以匪人污吾文也時文尚聲偶修獨以古文稱明道元年卒年五十四慶厯中祖無擇輯其遺稿祖龍學為之序

江南寒食

江城水國春光饒清明上巳多招邀花陰連絡青草岸
柳色掩映紅欄橋歌調嘔啞雜吳俗髻鬟疎削傳南朝
誰憐北客歸未去楚魄湘魂惟暗消

送毛得一秀才歸淮上二首

江天梅雨晝瀟瀟送別愁吟白紵謠處士才高融未薦
騷人魂斷玉方招自傷檉驥心千里空羨溟鵬志九霄
酒罷征鞍迢遞去不堪回首木蘭橈

君歸迢遞淮西路我客蕭條秋浦城惻惻相看復惻惻
行行送別重行行途中猿鳥哀聲斷馬上雲山遠碧橫
富貴窮通俱未決直傾尊酒沃離情

魯從事清暉閣

庾郎真好事溪閣斬新開水石精神出江山氣色來疎

金定四庫全書
卷三
煙分鷺立遠靄見帆迴公退資清興閒吟倚檻裁

送葛源之太和主簿

勿歎從卑位聊欣適去情愁風九月急飛鳥一帆輕
鱗活杯嘗楚釀清歡華莫回首寵辱正堪驚

江南春

杜若谿邊待釣船怨紅傷翠助鸝鷓戰回春色青蒲
買破韶光綠荇錢千嶂遠圍芳草國一江晴浸落霞天
未知多感多愁客何處偷尋甕底眠

寒食

江邊又寒食
僉客奈離襟
恨滿王孫草
愁多望帝禽
雞毳輕薄事
歌酒宴遊心
盡付吳兒輩
惟知屏跡深

江上送陳翹還無為

江上寂寥春雨晴
江邊冉冉春潮平
相逢未盡斗酒醉
相送又速孤舟行
篁竹窮鎖秋浦郡
煙波渺隔無為城
音塵兩地不千里
勿使負君金玉聲

殘春病醒

金匱要略卷三
卷三
風簾窸窣燕啾啾卧對殘芳起鬱陶乍困遊鞍春尚在
未醒扶枕日初高煩腸屢沃消難解病髮慵簪癢更搔
欲為風光輕賦別正無憊賴染江毫

和毛秀才江墅幽居好十首

并序

滎陽毛生有墅在宣城之南陵嘗作村居詩
十首其詩用律格五言四韻每篇皆同上之
一句元和長慶來詩人多是體生之往還躡
而和者數人暨攜北來出以相示予諷其篇

而悅其事既恨未得往從之遊喜其韻而繼
之得以盛言生所居之樂宣城實江外之郡
而墅且在焉因首用是句

江墅幽居好當閒看水田鳧鷗閒夕照杭稻秀原煙野
屐無完齒山衣有敗肩遙聞雙闕下簫鼓樂豐年

江墅幽居好南塘枕野亭菰蒲顛風綠菱荇葢波青繫
葦一漁艇翹煙雙雪翎相攜二三叟扶醉不曾醒

江墅幽居好谿山數里長徑通茶塢綠門枕橘園香藉

石還勝榻聽松不讓簧閒遊鷺里巷自作隱淪裝

江墅幽居好老農時款扉濁醪猶共醉野話但無機山
雨欲到檻竹風先滿衣南溪秋更樂稻熟又魚肥

江墅幽居好賓來定不愁酒釀新出榨魚活旋離鉤移
席追松影調琴和澗流陶然方外樂名教繫何由

江墅幽居好柴關帶竹籬田頭餉耕後樹裏灌園時鄰
靜鳴秋織樵閒對野棋抵巇非我事大笑引蘇錐

江墅幽居好何妨鄙事添神隨山父賽筮學野人占露

草牛羊喜秋霖黍豆嫌短牆衰柳下寒水半渠淹

江墅幽居好名山對九華疎篁十餘畝古屋兩三家
碓下雞爭黍籬根虺逐蛙水邊閒送目獨鳥在秋槎

江墅幽居好身如醉伯倫浮名拋可得荒宴罷何因
酌酹乘籃輿逍遙岸角中人閒莫回首容偽不容真

江墅幽居好人間晚最孤魚臨溪樹釣鳥隔水煙呼
野竹挂薜荔山花睡鷓鴣畫工能狀出差殺輞川圖

過西京

西京千里帝王宮無限名園水竹中來恨不逢桃李日
滿城紅樹正秋風

村郭寒食雨中作江南體

寂寥村郭見寒食風光更著微雨遮鞦韆間垂愁稚子
楊柳半濕眠春鴉白社皆驚放狂客青錢盡送沽酒家
眼前不得醉消遣爭奈惱人紅杏花

合歡芍藥

薰風對折香心破浩露雙滋粉面新油壁車中同載女

菱花鑑裏並妝人
皇英帝子鍾遺艷
琬琰宮姬託後身
誰道獨呈芳瑞晚也
勝常調牡丹春

故侯園

池館朝來瓦礫存
路傍看取故侯園
身前便作荒涼計
祇樹芳菲不樹恩

送定師南遊

營營學佛徒皆喜
誓吾道憐師獨異
羣儒藝知探討誦
詩三四章往往見
辭藻玉璞在琢磨
不難成至寶

送人至邊塞

豈憚河湟遠，男兒效主恩。
窮邊人不到，孤戍自分屯。
馬放晴沙暖，烽傳晚日昏。
軍前初謁帥，戎服走轅門。

獨遊

水曲林幽，獨杖藜。那箇香入亂花，攜輕肥，不得尋春意。
動要笙歌逐馬蹄。

貴侯園

名園雖自屬侯家，任客閒遊到日斜。
富貴位高無暇出。

主人空看折來花

玉津園

君王未到玉津遊
萬樹紅芳相倚愁
金鎖不開春寂寂
落花飛出粉牆頭

登莒子臺

莒國邱壘在莒臺
荆棘深憑高一極
目懷古重傷心平
楚滄煙暝遙峯白
日沈誰論客懷抱
灌木自悲吟

燈

香杳有時當永恨依依何處照閒眠靜臨客枕愁寒雨
遠逐魚篷耿暝煙纖影乍歇還自立冷花時結不成圓
銷魂猶憶江樓夜曾對離觴賦短篇

登女郎臺一首

臺前流水眼波明臺上閑雲鬢葉輕莫把姑蘇遠相比
不曾亡國只傾城

贈適公上人

喜得師消耗從僧問不休苦吟成白髮多病寄滄洲道

氣間尤勝書餘晚更道相思二千里阻別十三秋想歎
歐生逝應聞李氏憂尋思祇如此必竟欲何求未即無
言問方期勿藥瘳終為嵩少約築室共夷猶

燭

一箔珠簾掩映垂房櫳清染麝香枝佳人盼影橫哀柱
狎客分光綴艷詩禁鎖翠明初唱漏官窗紅短尚圍棋
長宵且秉歡遊去無限風情見古辭

一百五日同周越陳永錫遊吉祥僧舍

金匱要略卷之三
卷三
痛飲方期數百杯尋芳何事又空回
花愁酒困春無著
卻訪野僧蕭寺來

題李士言秀才別貯帕

蘭薰麝裊輕綃帕畧許攜持又索還
題破白雲深有意
要傳消息到巫山

景文集

宋祁字子京開封雍邱人與兄庠同試禮部會諒陰
止奏名以祁為第一庠第三章獻太后曰弟可先兄

乎乃擢庠第一而寘祁第十累遷翰林學士命脩唐
書書成進工部尚書踰月拜翰林學士承旨復除羣
牧使卒年六十四祁將終自為誌銘戒其子勿請謚
其後張方平言祁應得謚賜謚景文史稱祁非特文
章表見於世其守邊議兵之畧雖古之名將亦不能
過有詩文集百卷原本失傳是編祇存詩集四卷真
片鱗隻羽耳

藉田頌

倬彼鮮原帝藉於田匪藉其勤我為民先悠悠春旗覲
土於畿陽膏澤澤邁於三推有壬有林亦莫不祇我疆
我理或耘或耔實苞實茂第厥豐草田畯至喜祈年伊
蚤我穀用成我倉既盈我倉眈眈種於東南其用伊何
事神薦馨為酒為醴為粢為盛烝之浮浮釋之叟叟上
帝居歆降福孔休降福伊何我民既蕃室家溱溱三事
不諼食足武奮震疊爾功蠻夷來同罔不率從帝猷昭
升式於九圍兢兢業業以迄萬幾在豐念匱在飢思饑

子子孫孫勿替引之

初伏休沐

伏詞詔休偃閉門謝朋儕羲和挾升陽曉氣紅崔嵬炎
林鬱歊霧焦原橫赭埃怒甚萃萃雲阜始隆隆雷況我
庇茨宇煩襟安得開囚拘訴巾幘仇怨避酒杯湯沐未
及具返為蟣蟲吟北風殊杳嘿羲人安在哉

錦亭晚矚

長至宜高明緩帶散煩窘憑軒一超然目與天共盡山

從雲端見日就林外隱風來草樹披煙生井閭近自公
況多暇神臆無留蘊即此可宴居何須事遊軫

九日藥市作

陽九協嘉辰斯人始多暇五藥會廣廡遊肩闌相駕靈
品羅賈區仙芬冒闔舍擷露來山阿斲煙去嵩鐫載道
雜提攜盈簷更薦藉乘時物無賤投之利能射饗苓互
作主淺薺交相假音曹植謹鴈令韓康無二價西南歲
多癘卑濕連春夏佳劑止刀圭千金厚相謝刺史主求

瘼萬室繫吾化顧賴藥石功捫襟重慙喟

思賢閣圖余真愧而成咏

忝中二千石罷去輒圖真揆余本完士蚤蒙善養仁執
笏班華位飛綏侍邃宸如何金紫服乃裹丘壑身西南
一面重竭來駕朱輪牽拙歲再期初無德在民形象安
足紀崖畧聊自陳質陋眸子瞭志秦眉宇伸誰謂彼其
子而傳阿堵神爵里三十八

自參豫呂公而下凡四十
一人雷太尉張尚書程樞

密皆
再至

赫赫多名臣瞻前謝前哲垂後慚後人

題信相院默庵

對言方有默因默乃名庵庵留默不遣一物遂為三龜
埽泥中痕正恐力弗堪自問呵默者了然成妄談

月季花

羣花各分榮此花貫時序聊披淺深艷不易冬春慮真
宰竟何言予將造形悟

玉玫瑰

瑤楮鏤空濛冰紈捲重疊寒光欲衝斗迴秀難藏葉誰

碎辟邪香氤氳飛作蝶

海棧

哆熾風葉張困斂雨皮厚叢榛列蓋端攢旄注旗首物
以希見珍材緣怪忘醜

枇杷

有果產西裔作花凌蚤寒樹繁碧玉葉柯疊黃金丸上
都不可寄咀味獨長歎

和賈相公覽杜工部北征篇

唐
家六葉太平罷宮艷醉骨恬無憂孽虜詬天翠華出
糝糊戰血腥九州乾瘡坤痠四海破白日殺氣寒颼颼
少陵背賊走行在採柶拾橡填饑喉眼前亂離不忍見
作詩感慨陳大猷北征之篇辭最切讀者心隕如搖翰
莫肯念亂小雅怨自然流涕袁安愁才高位下言不入
憤氣鬱屈蟠長虬今日奔亡匪天作向來顛倒皆廟謀
忠骸佞骨相撐拄一燎同燼悲崑邱相君覽古慨前事
追美子美真詩流前王不見後王見願以此語詒千秋

春晏宴北園

天意歇餘芳，人閒日始長。
落花風觀閣，睡鴨雨池塘。
稍倦持螯手，猶殘婪尾觴。
春歸無所豫，羈客自回腸。

長安道中悵然作三首

三輔古風煙，征驂悵未前。
山園蓬顆外

賈山議始皇侈葬言後世不得

蓬顆蔽冢宮室忝籬邊，樹老經唐日。
碑殘刻漢年，便須真隕

涕不待雍門絃

興亡作今古，事往始堪悲。
宮破黃山在，城空北斗移。
走

金定四九卷三
卷三
岡寒兔隱啼戍暮鴉饑灞岸重回首惟餘王粲詩

城闕今安在關河昔所憑種祠秦故時抔土漢諸陵苑
樹圓排薺樓雲澹引繒南山不改色千古恨相仍

寒食日送李公佐歸漢東

有客改南轅春郊駐祖筵尊寒禁火國風暖浴沂天茂
草平無際殘花慘更妍鹿鳴偕計近簪盍約初年

贈清逸魏間處士

奕世依嵩石褒恩下帝庭姓名高士傳父子少微星池

溜遙通澗家林近帶坳分明詔書意天極賜鴻冥

答勸農李淵宗嘉州江行見寄

嘉月嘉州路軻我按部船山圍杜宇國江入夜郎天霽
引溪流望涼供水閣眠愧君舟楫急遂欲濟長川

春晦寓目二首

春序倏云晚高臺芳意多花成風地纈鳥作暝林歌樹
氣薰繁幄池文疊細波夾城歸騎散煙絮徧銅駝

春意都無幾還持歡緒歸遊蜂抱蕊去鷺燕失泥飛風

下幡幡影霞留暝暝霏遙知瑤席恨不減欲霑衣

集江瀆池二首

五月追涼地滄江騰素漣林煙昏岸日樓影壓池天篠
密工迷徑荷欹巧避船機忘更何事魚鳥亦留連

飛檻枕溪光歡言客徧觴暫雲消樹影驟雨發荷香
白橙齏熟庖刀鱠縷長蘋風如有意盈衽借浮涼

七月二十七日

客鴈歸何處寒蛩鳴不休兼之清夜永副以長年愁家

令有移帶中郎餘白頭此懷誠自感何賴怨高秋

七月二十八日

秋物向搖落客心真悄然高風已涼夜澹月始晴天拂
幌單練怯凝塵故扇捐露華休早滴羈鶻不成眠

再遊海雲寺作

十里雲邊寺重驅千騎來天形歆野盡江勢讓山回園
李濃成幄樓鐘近殷雷斜陽歸鞅促飛蓋冒輕埃

避暑江瀆池

金匱要略卷之三
卷三
溪淺容篙短舟移覺岸長煙稠菱荷葉霞熱荔支房枝
疊三撾鼓杯寒十饋漿便成逃暑醉官事底相妨

楊子雲墨池

即草元所

宅廢經池在人亡墨溜翰蟾蜍兼滴破科斗共書殘蠹
罷芸猶翠蒸餘竹自寒長楊無可問撫物費長歎

司馬相如琴臺

故臺千古恨猶對舊家山半夜鸞凰去他年駟馬還死
憂封禪晚生愛茂林閑惟有飄飄氣仍存天地間

寒夜始長

四海秋風晚，千門夜刻長。
梧桐老空井，蟋蟀近人牀。
暗燭勤垂燼，離鴻短趁行。
生平江海志，耿耿未渠央。

將歸二首

遠假西南守，三逢梅柳新。
衰令宦情薄，老惜歲華頻。
郢釀供銷日，巴禽巧喚春。
離家何所恨，鴈後作歸人。

雲棧短長亭，今茲重作經。
邛峽叱殘馭，蜀分使回星。
旅鬢雙垂雪，羈懷一汎萍。
驪駒在門久，此曲若為聽。

臘後晚望

寒日繫難定鳴笳弄已休
凍崖初辨馬昏谷自量牛
漢樹臨關密胡泉入塞流
登高能賦未風物古堯州

城隅晚意

寥寥天意晚稍覺井間間
木落呈全嶼雲生失半山
牛羊樵路暗燈火客舟還
暝思輸鳧鵠歸飛沆瀣間

西樓夕望

炎氛隨日入岑寂坐遙帷
倦鶩昏投浦驚蟬夜去枝
桂

花兼月破槎影帶星移珍重牕風好義人即此時

中秋新霽壕水初滿自城東隅泛舟回謝公命

賦

齋舫譚經後官池載酒行斜陽鳥外落新月樹端生演
漾思江浦夷猶遶郡城東轅有遺恨日日物華清

陪謝紫薇晚泛

積雨漲秋壕輕舟共此遨菰蒲斂鉉鍰蓮芡熟橐鞬岸
靜魚跳月林喧鳥避篙歸時興不淺風物正蕭騷

歲除

彫節真如借良宵此向闌家儲宿歲酒鄉送大儺寒舊
卉回新物來情續往歡匆匆餘幾刻催具五辛盤

過惠崇舊居

崇工詩有名於世

雖昧平生契懷賢要可傷生涯與薪盡法意共燈長遺
畫空觀貌殘詩孰補亡

本院惟有師詩豪數卷

神期通一語無乃

困津梁

中山中秋對月

圓期壓秋半飛影破雲端明極翻無夜清餘遂作寒桂
繁團露濕輪駛度河乾且置窮邊思何殊故國看

僑居二首

抱病苦幽憂都城困倦遊身拋禿翁板言入稗家流世
路風波惡天涯日月邁危心正無泊將底喻窮愁

公宇靜寥寥居然俗意銷屐間誰記齒帶適自忘腰吠
首秋殘獲城西日暮樵比來行樂熟隨意度溪橋

入壬辰新歲

五十為衰始仍餘五歲衰雙眸不明鑒殘鬢已紛絲銅
虎雖頻剖荷囊信濫持何須依老格
新詔七十不致
仕許有彈劾
先
作故山期

夏日陪提刑彭學士登周襄王故城

聊隨漢使者一上周王城
片雨北郊晦殘陽西嶺明
野禽呼自別香草問無名
誰復黍籬咏但興箕頰情

東晉

倉卒浮江日聲明建號初羣臣讓禁臠上宰製單練氣

銳開桁戰心歡折屐書織兒競撞壤不念好家居

奉和聖製清明日

璇杓臨乙位羲御屆婁初碧浪桃花湧珍叢錦段舒輪
蹄晴縹緲鐘漏夕虛徐穆穆宣溫殿披文日有餘

途中新歲憶三城兄長相公

馬上逢元朔匆匆記物華趁盤呈柏葉偷筆弄椒花臘
暝殘晨炬春輝上蚤霞三城今日酒知我獨思家

九日至衛南

良辰獨據鞍節物彊相干酒駐衰顏淺風欺客帽寒暫
吟非有屬倦曲不成歡多謝黃花意還如故國看

答朱公綽牡丹

珍蔕分清賞飛郵附翠籠蹄金點鬢密璋玉鏤跗紅香
惜持來遠春應摘後空玩詩仍把酒恨不與君同

贈楞嚴舒公上人

大室錦城隈庭閑地徧苔飯從香積取花續少林開講
畫經殘葉禪宵燭委煤無嫌一時學要是暮雲才

遣吏視諸公塋樹回有感

文正王丞相

兩朝從巨德萬務罄斯猷漢日左右手堯年忠孝侯名

言天下滿故事省中留宸篆旌碑首刊文又幾秋

予作碑陰

述其事

文靖呂丞相

慶厯公三入敵謀搖太平啖金真閒敵撓

呼高反

酒不寒

盟上印情離切

公被病求退不許

然髭疾遽輕

上剪髭賜公

惜哉天

弗愁宸幄淚先橫

宣獻宋公

昔去勸明辟

明肅朝公
勸還女

俄歸參大鈞公孫未及相諸葛

已傷神名待天淵蔽文爭日月新英魂同玉樹不向土

中春

九日侍宴太清樓

薦九標佳節中天駐翠輿晨光清複道秋色徧儲胥畦
稻霜成後宮橙露飽初省收行步玉拜賜儼華裾

皇帝
臨視

刈稻宣許從臣同觀又令
觀橙訖並賜橙稻新米

曼衍來長樂，鷓夷下屬車。帝

韶儀瑞鷗玉藻躍，恩魚霽霧供披拂。涼風助掃除，高楊
穿葉外。仙菊泛花餘，寒入弓聲厲。歡留酒，算徐神池元
不浪，温樹未曾疎。帝眷憑秋稼，臣心仰夏渠。承平將樂
事併入史臣書。

懷古眺望

城闔聊屬眺，千古恨悠悠。夏享空臺毀，韓亡故社留。

鈞臺

韓城悉有遺址在

廟祠旌頽鳳

黃丞相祠並鳳凰里

溪水識巢由

頽水過城下

春色依林動晨煙傍戍浮
序騶閒自集田鶴叫相求
町

篠簣緣密川葭蘆靡柔櫟
墟迷鄭鄙隗路隔軒遊
春秋
櫟邑

莊周載大
隗山皆在感昔如吾輩
曾經幾斛愁

喜雨答李都官

夜魄離星舍春膏浹大田
乍迷榆塞樹徐暗柳營天
沼
滴銀波蕩階鳴玉綆絃餘
萌催離土殘魃趣沈淵迴
濕
來鶯外斜寒去鴈邊莓莓
滋野秀纂纂濯花妍戴響
饒
農笠眠聲羨釣船
謁雲時露日迷岫旋埋煙
酌酒聊相

勞斯倉竚有年勞君歌閔雨予志謝先賢

九日

帝京蒙福近相國偃藩初甕熟中齋酒厨鮮上客魚高
懷日蕭散外物久驅除犀首無妨飲宣尼或飯疏林凋
疑野闊荷罷似池虛此樂憑誰辨須煩藻思餘

和晏相公九日郡宴

令序凝秋籥歡遊駐使軒行觴酒籌密踏節舞鞞翻榴
熟丹房解萸香紫粒繁風頭獵輕慘日脚送斜暄鏤管

新篇逸

轉運學士
即席賦詩

吹花舊俗存請為丞相壽長久慶調

元

覽蜀宮故城作

國破江山老人亡岸谷摧駕飛今日瓦鹿聚向時臺故
苑猶霏雪荒池但劫灰頽遺糊處壤闔記數殘枚恨月
窺林下悲風覓隴來依城孤獨速失履燕徘徊廢社纔
存樹陰垣自上苔有情惟杜宇長為故王哀

集海雲鴻慶院

地勝祠仍古春餘物偏華山雲時抱石佛雨不萎花嶺
挾樓梯峻崑牽殿城斜淙溪雜環珮怪蔓走龍蛇供坐
僧飛鉢香園客戲沙吾遊真草草深意屬青霞

十日宴江瀆亭

節去歡猶在賓來賞更延悠揚初短日淒緊乍寒天霽
沼元非漲秋花自少妍蟻留新獻耐蕙續不殘煙戲鯉
衝餘藻遊龜避折蓮流芳真可惜從此遂週年

憶沅花泛舟

蚤夏清和在晴江沿沂時岸風搖鼓吹波日亂旌旗醉
纒牽湘蔓遊鬢撲絳蕤樹來驚浦近山失悟舟移雅俗
西南盛歸軺東北馳此歡那復得拋恨寄天涯

中秋望夕不見月

異時涼月好常爾惜嚴更此夜浮雲惡胡然溷太清心
孤王粲牘業對景山鎗海蚌猶能滿城烏更不驚徘徊
循北牖黯澹倚西楹蛩杼逢時急釭花得闇明桂高應
自秀蟾遠太無情坐想瑤輪轉孤懷悵未平

予昔遊雲臺觀謁希夷先生陳搏祠堂緬想其

人今追作此詩

仙館三峯下年華百歲中夢休孤蝶往

此言先生善睡一寢逾一月

蛻在一蟬空

有家在華山下

蕊笈微言祕霄晨浩氣通丹遺舐

後鼎林遣御餘風宿霧沈荒白餘霞委暗紅蛾眉有歸

約飛步與誰同

先生化去前三日語弟子云吾遊蛾眉弟子訝不辨裝至期而終

蜀地海棠繁媚有思加膩榦豐條苒弱可愛北

方所未見諸公作詩流播西人余素好玩不

能自默然所道皆在前人陳迹中如國風申

章亦無愧云

蜀國天餘照珍葩地所宜濃芳不隱葉併艷欲然枝
綵分羣萼均霞點萬蕤回文錦成後夾煎燎烘時蜂蕊
迎銜密鶯梢向坐危淺深雙絕態啼笑兩妍姿絳節排
煙竦丹釭落帶垂童容鄣畏薄便面到憂遲媚日能徐
照暄風肯遽吹蜀少疾風
故花愈盛惜觀當晚晚留恨付離披麗
極都無比繁多僅自持損香饒麝柏照影欠瑤池畫要

精侔色歌須巧騁辭舉尊頻語客細摘玩芳期

次韻和李長學士正月二十八日出郊見寄之

作

雅俗傳祠日

州人以二十八日祠保壽侯及唐杜丞相於崇真堂

年華重宴辰初

陽澹江霧小雨破街塵

是日雨而不浮遊人皆集

客蓋浮輕吹齊刀

儼後陳林芳催兔目原色換龍鱗壤路歌聲雜構倡舞
疊新持杯徧酬客惟欠眼中人

上元景燈紀事

金匱四庫全書
卷三
泛膏聞舊典秉燭嗣芳辰霞破初迎月寒林即讓春鈞
天移帝樂北斗下城闈匝地沈香燎浮空羅襪塵並珂
馳寶仗分幟鶩彫輪忽去騰夷路還來競要津酒胡矜
耐美梅額銜妝新誰見甘泉時昏祠遂至晨

清明值雨

有滄興芳序餘寒惜慘悽遠山沈向盡雜樹望先迷天
闊都成暝雲昏本自低漂灰禁餘火浮棗袂殘溪檻篠
風爭亞汀鳧夜不棲蓬聲攢釣渚蓑滴擁煙畦積潤侵

重襴長嚴壓曉輦遊人盤馬路獨漉逐春泥

寒食假中作

九門煙樹蔽春廛小雨初晴潑火前草色引開盤馬地
簫聲催暖賣錫天縈絲蚤絮輕無著弄袖和風細可憐
鰲署侍臣貪出沐珉糜珠餽愧頒宣

落花

陸素翻紅各自傷青樓煙雨忍相忘將飛更作迴風舞
已落猶成半面妝滄海客歸珠迸淚章臺人去骨遺香

可能無意傳雙蝶盡付芳心與蜜房

答友人清明雨思

楚雲朝暮蔽前峯佳節尋芳已半空三日薰爐沈蕙綠
一星春火迸榆紅文鱗對擲回塘水賀燕交飛翠幕風
悵憶沈齊題句罷碎英無響墜華桐

春宴行樂家園

園荇初乾小雨泥飲壺遊屐況親攜身輕蚤蝶千回舞
技癢新禽百種啼乘飲草茵侵坐軟畏風桃綬向林低

陽暉自有留人意銜照高樓未遽西

真定述事

莫嫌屯壘是邊州試聽山河說上遊
帳下文書三幕府馬前鞞韎五諸侯
王藩故社經涂國俠窟餘風解報仇
四十年來民緩帶使君何事不輕裘

成都

風物繁雄古興區十年滄父巧論都
雲藏海客星間石

成都有一石人傳嚴君平所辨星石今在嚴真觀

花識文君酒處壚兩劍作闕

屏對繞二江聯派練平鋪此時全盛超西漢還有淵雲
杼頌無

九日宴射

佳節憑高駐綵旗亭臯霧罷轉晨曦
翔羽集號猿後臺外塵飛戲馬時
芳菊治疴爭泛蕊丹萸辟惡徧傳枝
明年此會知何處醉玉顏山不用辭

北樓

少城西北之高樓此地蒼茫天意秋
驚風白日忽已晚

落葉長年相與愁
極塞雲物自慘澹
趨林鳥雀時啁啾
纓上朔塵久不洗
安得手弄滄江流

七夕二首

西南新月玉成鉤
奕奕神光渡飲牛
素采低浮承露掌
清香不散曝衣樓
天邊華幄催雲卷
星外橫橋伴客愁
莫使銀河到滄海
人間溝水易東流

開秋七夕到佳辰
里俗爭誇節物新
烏鵲橋頭已涼夜
黃姑渚畔暫歸人
徘徊月御斜光斂
宛轉蛛絲巧意真

卜肆沈冥誰復問
年年槎路上天津

高亭駐眺招宮苑張端臣

蜀天向臘寒未極
倚檻綿睇亭臯分一萍
團紅江上日
數葢澹白樓頭雲
杯中竹葉與誰舉
笛裏梅花那忍聞
願君枉步數相勞
他時離緒徒紛紛

清明

曉日東南欲照梁
藏鴉密柳暗橫塘
行庖束密停晨爨
別館熏衣冷夜香
陌上鮮風橫去幘
陽濱翠湫泛行觴

獨嗟楚客流芳晚淹卧惜惜啼眼長

擬杜子美峽中意

天入虛樓倚百層四方遙謝此登臨驚風借壑為寒籟
落日容雲作暝陰峴井北拋王粲宅楚衣南逐女嬃砧
十年不識長安道九籥宸開紫氣深

九日置酒

秋晚佳辰重物華高臺複帳駐鳴笳邀歡任落風前帽
促飲爭吹酒上花溪態澄明初畢雨日痕清澹不成霞

金匱山房詩集
卷三
白頭太守真愚甚，滿插茱萸望辟邪。

江瀆亭

一翬掀翅壓溪隅，吏事初閒此宴居。
斷岸有時通畧約，輕風盡日戰枰雲。
鴻送目揮絃後，客板看山挂頰餘。
芰碧蒲青來更數，江人多識使君旗。

春日出浣花

側蓋天長蕩曉霏，暖風纔滿使君旗。
水通江渚容魚樂，草徧山梁歎雉時。
場雨滅塵盤馬疾，樓雲礙曲進觴遲。

少陵宅畔吟聲歇

杜子美宅在浣花溪上

柳碧梅青欲向誰

中山立秋

峯雲曉影破孱顏
萬里風生結蚤寒
人在兜鈴煙外走
歲從鷓鴣口中殘
槽花併滴添新酎
笥月兼輪掩故紈
白髮光陰誠可惜
五年搔首望長安

把酒

歌管嘈嘈月露前
且將身世付酖然
謾誇鼯鼠機頭箭
不識醯雞甕外天
青史有人譏巧宦
黃金無術治流年

君看醉趣兼醒趣始覺靈均更可憐

送客尋春集裴氏園

尋春送客共留連雨罷春郊物物妍黃抹柳梢初徧後
紫黏花萼未開前朋襟自為交歡慘醉學誰能辨聖賢
猶賴斜陽催跋馬不然離恨損絲絃

玩園花小集

中園愛客重遊陪三月林花落復開鏤管喜逢吟處筆
白波催卷醉時杯歡襟已快邀風度舞地猶寬放雪回

不是年芳相假借使君兼乏斐然才

寄題相臺太尉韓公畫錦堂

瑞節前驅畫錦身堂成署榜示州民遷鶯賀燕翩翩集
嘉樹甘棠次第春漳岸夕波通沼溜魏臺暎日弄梁塵
君看千古青編上得意如公有幾人

三月晦日

靜彈塵幘照溪流萍泊春芳向盡頭蚤葉乍濃留客坐
晚花猶在索人愁最憐幽草能縈蒂已覺浮雲解映樓

白髮未多須劇飲羸輸寧屬阿戎籌

罷學士出守還拜承旨

十八年前玷玉堂當時綠鬢已蒼蒼傷禽縱奮愁瘡重
廐馬雖還笑齒長熏罷山爐飄暗燼漱餘銅椀冰寒漿
須慚清切鑿坡地不是吾人得擅場

將到都先獻樞密太尉相公

再試州旗驗不才卻將憔悴到中臺相車問罷同牛喘
大厦成時與燕來

守壽春日方
聞爰立之拜

今日謀猷須丙魏他年

賓客但鄒枚西園聞道餘春在尚及花前灑灑杯

元夜觀正陽錫宴

雲端嶢闕下呼鞭綵樹遙分坐逖前山戲百層平樂地
佛輪千影瑞陀天祥風入助銀花麗寶月來供雉扇圓
獻歲承平多樂事擊鞭誰美唱唐年

和樞密晏太尉元旦雪

寒雲萬里送殘宵回旋祥雲集歲朝繁影未能藏夜燎
薄花仍欲伴春椒光含象闕蒼龍舞氣勒交衢白馬驕

豐兆歡歌誰不爾百官兼放午門朝

和致政燕侍郎舟中寄晏尚書

異時仙閣對三休頓首辭榮動邃旒
疏廣故僚供祖帳
鷓夷盡室付歸舟側階生玉懷歡宴
燕壁圖山代遠遊
新句漸高塵累少紫芝巖曲要相求

移病還臺凡閱半歲乃愈始到家園
視園夫治畦植花因成自歎

卧治無功賜告回驟叨鳴履上中臺

病中改八座

壺公天壤

非真死蒙叟軒裳是儻來
經灌旱蔬扶隴出失刊園蕊
犯簷開此身疎拙真邱壑
不是當年王佐才

二月十八日席上方憶季長未還不同斯樂欲
作詩寄之會使者來已有新章今牽連成篇
拜呈上

煙壓西郊雨壓津滿城歌吹為芳辰
江形左右衣留帶
柳色高低麴與塵暖逼園花迎望密
曉催林鳥每啼新
知君貪擁光華節未肯尊前共惜春

程密學知益州

墀塗畫對別堯奠細札芝泥襲綬馨三蜀舊臺呼輻寵
十連新府夢刀靈雲梯霽日明鉤棧雨閣蒼苔蝕劔銘
只恐廉襦歌未厭熒煌歸應六符星

集西園

日日西園春思催攜觴結客上高臺正緣從事青州至
更許書生洛下來時州醞既美又命座客賦詩蚤葉已成花半落新
巢未定燕千回芳辰物物皆堪愛併作高陽倒載媒

官下

東泊驂驪一駐車
駮雲苔木澹扶疎

鄭有
駮山

風經禦寇仙

遊外野識禪
草創餘潁谷寒煙仍井邑
候門殘日但

邱墟

古治國非
今治所

兩都大道過從盛
不稱支離左魚

閏九月九日登高有感

隔霜雲葉繞天愁
閏節重來續舊遊
賦客豈辭聊暇日
楚人無奈賸悲秋
寒萸實老猶熏佩
晚菊香殘不占甌
悵憶故園歸信斷
渚鴻川鯉兩悠悠

兄長莒公赴鎮道出西苑作詩有長楊獵近寒
熊吼太液歌餘瑞鵠飛造語驚邁予輒擬作

一篇

寶樓斜倚闕西天北轉樓陰壓素連白雪久殘梁複道
黃頭空守漢樓船塵輕未損朝來霧樹暖才容臘外煙
弭節不妨饒悵戀待歌魚藻記他年

送越州陸學士

梅天霞破候旗乾鄉樹依然越絕間挾策當年逢掖去

懷章此日繡衣還，亭餘內史浮觴水。路入仙人取箭山，牛酒盛誇先墅宴。不妨春詔得親班。

寒食野外書所見

一雨初回逗曉涼，近郊連巖儼相望。乞漿易醉墻間客，執爨初閒竈下郎。暖吹未休緣迴野，低煙不散為垂楊。家家鐘鼓爭行樂，肯信龍蛇是怨章。

予既到郡有詔仍修唐書寄局中諸僚

一章通奏領州麾，詔許殘書得自隨。吾黨成章真小子。

官中了事是癡兒昏眸視久花爭亂倦首搔餘雪半垂
所願韋吳皆傑筆劉生當見汗青期

山中清明

一雨東郊卷夕雲山中坐對寂寥春高低桃綬紅相倚
輕重榆錢綠不勻杯冷羅門拋午案簾殘熏屋晦流塵
漢鮑漸美開魚禁已約溪公下釣緡

送趙御史仲禮之任南臺

天子龍沙拜法官議郎親戴辟邪冠曉辭漠北冰霜重

秋到江南草樹寒
諫疏頻煩明主聽
題詩長共故人看
應憐閭里誅求急
尚布朝廷禮意寬
幕下風清鳴一鷄
臺端雪霽見雙鷺
寥寥渡海三冬
翩翩凌空五色翰
晉代新亭蒼蘚合
梁朝舊寺土花殘
石城慷慨悲哀絮
別墅風流憶謝安
千里憑高麾繡斧
幾回攬轡並銀鞍
諍臣事業須公等
努力明時匪素餐

漱玉齋前雜卉皆龍圖王至之所植各賦一章凡
得八物或賞或否亦應乎至之之意歟遂寫寄至

之

萱草

修莖無附葉繁萼攢蓬首每欲問詩人定得忘憂否

澹紅石榴

移植自西南色淺無媚質不競灼灼花而效離離實

芍藥

有名見鄭風今賞異時日采花當采根可能治民疾

蜀葵

紅白相嗣繁色鈍香亦淺相對庭戶閒俗尚焉能免

竹

脩脩稍出類辭卑不肯叢有節天容直無心道與空

菊

纖莖寒始密秀葉晚逾滋芳意君須識羣葩搖落時

芭蕉

不枝惟葉茂無幹信中空所以免摧折為依君子風

拒霜

浩露侵絳蕊尖風獵絳英繁霜不可拒切勿愛空名

十二月十八日會飲園夫獻桃花二首

今歲臘未破明年春尚賒天教推朔氣先作塞南花
晚秀尚可惜蚤開真謂奇君看早開處定是向南枝

海棠

薄暝霞烘爛平明露濕鮮長衾繡作地密帳錦為天

芭蕉

雨凋單蓋側風偃半旗開脆經繒乍裂斜規扇欲裁

藤蘿

虺蔓相結盤虬梢互回曲紛若未契繩繁如已綸綉

柳

濯濯縈春晚依依帶暝饒楚宮皆餓死無計學纖腰

木芙蓉

江南江北樹秋至僅成叢向晚誰爭艷醜顏淺作紅

除夕

厯尾無餘日更籌促曙躔持愁媵殘歲將老入新年

春帖子詞

皇帝閣

東郊迎氣罷暖信入嚴宸
璽遺星杓轉令知天下春
葭管灰飛盡金胥刻漏長
歡情與和氣併入萬年觴

皇后閣

嘉祐隨年至皇恩共氣和水痕
冰處動煙思柳前多
曉佩搖蒼玉宸旂亞翠旂
新年好春色今日滿皇州
暖碧浮天面
遙紅上日華
寶幡雙帖燕
綵樹對纏花

夫人閣

瑞歷歲惟新物華春可愛雪輕林弄姿冰消水生態
雪罷雲初暖天和日便遲玉樓新燕子襟下記來時

除夕

一杯芳酒夜分天萬慮勞勞耿不眠明日新春到何處
菱花影裏二毛邊

過摩訶池

十頃隋家舊鑿池池平樹盡但回隄清塵滿道君知否

半是當年濁水泥

蝶

撲粉曾過宋玉牆
一身生計託流芳
不須長結東風願
秋菊春蘭各有香

八月望夜不見月有感二首

素波涼暈澹層城
怡悵三年此夜清

在淮南三年逢中秋俱不見月

獨

卷疎帷成默坐
暗蟲相應作秋聲

九旻含爽助清輝
萬里重陰誤賞期
正恨浮雲無意緒

世間偏惱最明時

山橙花

故鄉寒食荼蘼發
百合香濃邸舍深
漂泊江南春過盡
山橙彷彿慰人心

九日憑高有感

把酒憑高念歲華
此身流滯屬天涯
故園叢菊無人賞
露壓風欺只自花

蘆

嫋娜修莖青玉攢
鳧翁睡罷翠痕乾
湘君直寄江湖樂
要作風汀雨瀨看

途次清明

漠漠輕花著蚤桐
客甌錫粥對禺中
遙知闕下頒新火
百炬青煙出漢宮

重陽不見菊

戲馬佳辰菊未黃
有人惆悵獨持觴
心知不作怱怱意
故欲凌寒報蚤霜

立春

春動靈旗畫尾斜
漢宮青幘望晨霞
宮中綵樹紛無算
不待東風已作花

人日

綵勝香羹樂上春
我懷前事悵佳辰
瞿曇尚笑浮生假
況鏤黃金假作人

被召後作

粉署重來憶舊遊
蟠桃開盡海山秋
寧知不是神仙骨

上到鼇峯更上頭

甲申首歲

故歲時光漏中去
新正甲子卷頭開
迎新送故祇如此
且盡燈前藍尾杯

朝雞

雕籠摧羽就羈縻
心識時朝候不迷
羣鶴在軒皆有祿
夫君何事獨先啼

寒食夜偶題

前庭露氣壓輕埃
風砌花陰聚復開
苦恨浮雲心不淨
月中時汙太清來

春帖子詞

皇帝閣

日華初麗上林天
殿裏春花百種鮮
驅出餘寒還故臘
收回和氣作新年

望春臺下春先到
獵獵青旗倚漢宮
水自北涯生暖溜
花從東面受和風

宜春苑裏報春回
寶勝繒花百種催
瑞羽闐闐遷木蚤
神魚潑潑上冰來

皇后閣

宮裏春花纔灼灼
殿前春仗已綦綦
東風盡解天池凍
不及君王慶澤多


迎春寶勝插釵梁
拂鈿裁金鬪巧妝
上作君王萬年字
要知長奉白雲觴

夫人閣

銀闕崔嵬對未央
春來始覺好年光
風生禁苑無窮麗
日向仙壺一倍長

日照觚稜萬戶春
細風輕露浹嘉辰
一番宮柳黃煙重
百種盤蔬紫甲新

玉管輕羅和氣動
土牛青犢報祠歸
仙盤取露朝和藥
舞殿裁雲暝作衣



宋百家詩存卷三